

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

- 1. Nunaqarfinnut nakorsiarniartarnerup pitsanngorsarnissaanut Naalakkersuisut qanoq pilersaaruteqarpat?**
- 2. Nappaassuarmik nalaataqartartut siusinnerusukkut iliuseqarfigisarnissaanut Naalakkersuisut qanoq pilersaaruteqarpat?**
- 3. Nunatsinni sumiiffinni nakorsaqaarfiusuni nakorsat ikippallaarujussuartut kisitsisit kingullit saqqummiunneqartut takutippaat nunanut inerisimasunut nallersuullugit, soorlu Upernavik nunaqarfikkaarujussuaq sisamanik nakorsaqaartussaagaluarpoq pitsaasumik inissittoqassapat, taamaammat Upernavimmi nakorsat amerlineqarsinnaanissaanut Naalakkersuisut pilersaaruteqarpat?**

(Inatsisartunut ilaasortaq Jens Napātōk', Naleraq)

Tunngavilersuut:

Nunaqarfinniit nakorsiarnertarneq ajornartorujussuuvoq, allaat peruluuteqarlutik takussutissaqartut saaffiginnittaarujussuaqqaarlutik aatsaat nakorsiarsinnaasarlutik. Ilungersunartumik inissisimasoqarnera qaangerniarlugu qanoq iliuseqartoqarnissaa pingaarueqarluinnartoq kialluunniit malinnaasup takusinnaavaa. Nakorsiarniapiloortarneq peqquataalluni nappaassuarmik eqqugaasartut kingusipallaamik paasineqartarnerat peqquutigalugu katsorsarsinnaanissaat amerlasuut kingusippallaamik aallartittarpoq tamannalu qanoq iliuseqarfigisariaqarluinnartoq Naleqqamiit isumaqarfigigatsigu nunaqarfinnut ajornannginnerusumik nakorsamut saaffiginnittoqarsinnaanissaa ajornannginnerulernissaa aqutissiuuttariaqarluinnalerpoq isiginngitsuusaarneqaannarsinnaangilaq angallannikkut kiffartuunneqarnerup saniatigut aaqqiiniarluni pilersaarusiorkunilu qanoq iliuseqartoqartariaqartoq Naleqqamiit isumaqarpugut. Avannaanni Nakorsat ikippallaarujussuarput kisitsisit kingullit saqqummersut aallaavigalugit Upernavik qiviaraanni nakorsat sisamaasimasussaagaluartut kisitsisit tikkuuppaat, taamaammat nakorsat amerlineqarnissaat pisariaqarluinnartut inissisimaffiu-



Naleraq

voq, nalunngilarpummi Upernavik assersuutigigaanni nunaqarfikkaajunerpaasoq aammalu inuttusiartortumik allaat illoqarfimmik taaneqartartumik amerlanerusunik nunaqarfiit ilaat inuttutigilerlutik inissimaannaratik amerliartortut.

Ullut qulit iluanni akineqarnissara kissatigaara.